





儀禮集說一冊 元刻本  
卷十七  
存四十八葉 四十一行







原件短缺

PI上半页缺



室及有司既徹則出立於阼階東也

埽堂

注曰為賓尸新之

司宮攝酒乃斝尸俎

注曰斝温也温尸俎於爨所亦温焉古文斝皆作尋記或作燭春秋傳曰若可燭也亦可寒也

繼公謂皆示新之俎俎實謂尸前之羊魚豕及所加於所俎者也雍爨之所斝者固不止此是特為其已在俎者言之耳祝佐食亦與賓尸之禮其俎實不斝者以無上位略之但因其故俎而已





卒斂乃升羊豕魚三鼎無腊與膚乃設扃鼎陳鼎于門外如初徐音尋又

注曰如初者如席門之外東方北面北上

繼公謂少牢當五鼎此乃無腊與膚鼎者賓尸之禮膚不專俎而附於豕俎故是時亦不可以專鼎而惟附於豕鼎也然鼎數宜奇是以併去腊鼎而為三焉腊全不用者此禮賤於祭而腊又賤故略之

右新儻禮

乃議侑于賓以異姓

議侑于賓謂與賓長謀議可以為侑者也此與鄉飲酒就先生而謀賓介之意相類以異姓謂於衆賓之中擇之也必異姓者以尸既同姓故侑須用異姓侑之言佑也所以輔助尸者也賓尸而立侑亦示敬尸之意且貴多儀也

宗人戒侑

注曰戒猶告也南面告於其位戒曰請子為侑

侑出俟于席門之外

注曰俟於次當與尸更入

右立侑

司宮筵于戶西南面

注曰為尸席也



人筵于西序東面

注曰為侑席也

尸與侑北面于庑門之外西上

尸北面者尊大夫若不敢為賓客然也其位當在門外之西祭事已尸出門則不敢以尊自居西上賓位尚左也

主人出迎尸宗人擯

迎之而使宗人擯待賓之禮也賓客尸而迎之亦為祭事已

主人拜尸答拜主人又拜侑侑答拜

主人拜蓋西面也答拜者其皆東西與此拜皆拜拜下文拜至亦然

主人揖先入門右尸入門左侑從亦左揖乃讓亦三揖至于階乃三讓也惟云揖乃讓經文省亦以其可知故也凡主人與客揖而先入皆入門右也經獨於此見之

主人先升自阼階尸侑升自西階西楹西北面東上

尸侑升自西階尸升三等侑從之中等如上下射升階之儀也其降也亦然東上尸宜與主人相當也

主人東楹東北面拜至尸答拜主人又拜侑侑答拜

拜至說見士昏禮



右迎尸侑

乃舉

注曰舉舉鼎也舉者不鹽殺也

司馬舉羊鼎司士舉豕鼎舉魚鼎以入陳鼎如  
初

司馬二人司士四人也魚鼎重言舉明其與  
豕鼎異人也如初如其東方當序西面北上  
雍正執一匕以從雍府執二匕以從司士合執  
二俎以從司士贊者亦合執二俎以從匕皆加  
于鼎東枋二俎設于羊鼎西西縮二俎皆設于  
二鼎西亦西縮

注曰凡三匕鼎一匕四俎為尸侑主人主婦

其二俎設于豕鼎魚鼎之西陳之宜具也

繼公謂一匕羊匕也二匕豕魚匕也四俎乃

尸侑主人主婦之羊俎也設之亦北上如鼎

之序然其載之亦先北而後南也此皆羊俎

其二乃在豕鼎魚鼎西者但欲使鼎前皆有

俎耳不嫌其所載者異也羊鼎西特有二俎

尊之也此執匕以少者為貴設俎以多者為

尊亦宜也

雍人合執二俎陳于羊俎西並皆西縮覆二疏

匕于其上皆縮俎西枋覆芳服反

注曰疏匕匕柄有刻飾者

繼公謂羊俎指在羊鼎西者也此二俎陳于



其西亦北上其北俎次賓以羞羊匕涪豕匕  
涪其南俎司馬以羞羊肉涪司士以羞豕膏  
涪魚䟽匕二者羊豕之涪宜異器也覆者爲  
塵也二匕覆于二俎之上羊匕在北豕匕在  
南南非匕涪之俎亦覆匕于其上者事未至  
權加之耳此俎將載則更以豕匕加于其北  
俎既則反之縮俎西枋爲縮執俎者在西也

右陳設鼎俎於內

主人降受宰几尸侑降主人辭尸對  
爲尸受几故尸從降侑亦降者從尸也凡尸  
爲禮之類此者侑則從之此所以謂之侑也  
與

宰授几主人受二手橫執几揖尸

几自東壁來其授受於阼階東與獨揖尸尸  
尊也聘禮公受几於序端

主人升尸侑升復位

注曰位阼階賓階上位

主人西面左手執几縮之以右袂推拂几三二  
手橫執几進授尸于筵前

推拂謂外拂之推者推手也

尸進二手受于手間

按聘禮曰賓進訝受几于筵前此亦訝受也  
乃云手間者但言其䟽數之節耳此接受者  
皆橫執几而二手之間有廣狹則凡賓主之



橫執几者二手共執其一廉明矣

主人退尸還几縮之右手執外廉北面奠于筵

上左之南縮不坐

還音旋

主人退復位也還几還而易執之也縮執几亦用二手此惟云右手執外廉特見其一耳若廉而謂之外者以其差遠於人故也几稍高故設之不坐少儀曰取俎設俎不坐其意類此

主人東楹東北面拜

注曰拜送几也

尸復位尸與侑皆北面答拜

注曰侑拜者從於尸

繼公謂至此尸乃復位則是主人拜時尸在筵前東面也聘禮曰賓進訝受几于筵前東面俟公壹拜送此異於彼者先奠几與飲酒而授几其禮重故侑亦拜答拜之文主於尸也

右授几

主人降洗尸侑降尸辭洗主人對卒洗揖主人

升尸侑升

辭對之儀見鄉飲酒故此略之揖亦主人揖尸也文省耳下放此

尸西楹西北面拜洗主人東楹東北面奠爵答拜降盥尸侑降主人辭尸對卒盥主人揖升尸



侑升主人坐取爵酌獻尸尸北面拜受爵主人  
東楹東北面拜送爵

獻受之儀亦當如鄉飲酒禮

右主人獻尸

主婦自東房薦韭菹醢坐奠于筵前菹在西方  
婦贊者執菹菹醢以授主婦主婦不與受陪設  
于南昌在東方興取籩于房籩蕡坐設于豆西  
當外列饗在東方婦贊者執白黑以授主婦主  
婦不與受設于初籩之南白在西方興退籩反  
注曰菹本也韭菹醢菹本麩藟藟熬麥  
也蕡熬臬實也白熬稻黑熬黍主婦取籩興  
者以饌異親之當外列辟劍也退退入房也

繼公謂四豆四籩放室中之數也賓尸以飲  
酒爲主其禮變於饋食不可復因其薦故於  
其始亦變而用朝事之豆籩焉不辟君禮者  
變而用之無嫌也當外列饗在麩藟西也

右主婦薦尸豆籩

乃升

注曰升牲體於俎也

司馬牝羊亦司馬載載右體肩臂肫脰膾正脊  
一胾脊一橫脊一短脊一正脊一代脊一腸一  
胃一祭肺一載于一俎

注曰一俎謂司士所設羊鼎西第一俎

繼公謂二司馬即舉羊鼎者也以下凡升羊



者皆司馬爲之特於此見之耳上言燾尸俎而此有臂臠肫脰具有明其神俎肫肫並用也復序俎實者其數及載與進俎之法皆有異於上故爾是言載時先後之序也其在俎則與正祭者略同惟臠後於脰爲異耳臠後於脰者以其折也折之則不爲全體而在全體之下矣臠必折者見其貶於神俎且欲以所折者爲肉湑俎也其脊脅皆一骨及腸胃各一者義亦如之賓尸主於飲酒此俎乃有祭肺者盛之一俎謂司士所設羊鼎西之比俎也司馬亦南面執之以載與他俎異也既載則侑主人主婦之羊俎三亦繼此而序載之每俎既載則遷之於阼階西亦北上西縮俟時乃設耳所以然者爲當進羊匕湑羊肉湑於尸也此當作匕下同

載于南俎

羊肉湑臠折正脊一正脅一腸一胃一臠肺一

注曰肉湑肉在汁中者也必云臠折明爲上所折分者臠肺離肺也南俎雍人所設在南者

繼公謂云臠折者明其爲臠之下也此臠蓋與後足之觶同以無異名故但云臠折而已羊俎之外又分其體以爲此俎貴多儀也尊尸不敢用左體故分右臠爲之用臠肺亦別



於其正羊肉湑與羊俎之實同鼎而名不同以其於鼎有湑上湑中之異也羊俎西之二俎亦北上肉湑載于南俎則其北俎爲羞已湑明矣凡羊肉湑與豕脰湑魚皆俟時而載因外正俎之節而遂見之欲其文相比也

司士牝豕亦司士載亦右體肩臂肫骼膾正脊一脰脊一橫脊一短脰一正脰一代脰一膚五臠肺一載于一俎

此謂豕脰也二司士即舉豕鼎者也此下凡外豕者皆此司士爲之豕無正俎故此尸俎之體骨皆放於羊俎此俎與羊肉湑俎同膾在胛下是亦折矣

侑俎羊左肩左肫正脊一脰一腸一胃一切肺一載于一俎侑俎豕左肩折正脊一脰一膚三切肺一載于一俎

注曰切肺亦祭肺互言之爾

繼公謂侑無羊肉湑故羊俎得用二體前體以肩後體以肫尊之也右體皆在尸俎故此皆用左焉有肩有肫則肫在下端矣羊俎亦用祭肺者與尸俎同在堂上因其禮也昨俎亦然飲酒正禮祭以離肺其有以切肺者或盛之或有爲加之或相因用之非常禮也豕左肩折不用全體爲羊俎已用二故於此殺之豕脰體數殺於羊俎又無羊肉湑皆下尸



也豕胥之肺宜如羊肉湑而用齊此乃放羊  
俎而用切者亦以無羊肉湑故也侑之羊俎  
司士所設在羊鼎西之南者侑之豕俎與尸  
之豕胥同用南俎

昨俎羊肺一祭肺一載于一俎羊肉膾臂一脊  
一脅一腸一胃一齊肺一載于一俎豕胥臂一  
脊一脅一膚三齊肺一載于一俎

注曰臂左臂也昨俎司士所設豕鼎西俎也  
繼公謂尸之牲俎三主人亦如之故其正俎  
無體遠下尸也骨之屬但用肺而已臂不言  
左者可知也正俎太賤故加俎宜用尊體其  
脊脅之屬亦不嫌於與尸同也侑正俎用肩  
王人之加俎乃用臂蓋示其不相統之意豕  
胥猶言豕俎也不言肉湑者一俎而已無所  
別異也豕胥體數乃放羊肉湑者亦以羊俎  
太簡故爾此羊肉湑豕胥皆用雍人所設之  
南俎與尸同

主婦俎羊左膾脊一脅一腸一胃一膚一齊羊  
肺一載于一俎

注曰言齊羊肺者文承膚下嫌也其俎司士  
所設在魚鼎西者

繼公謂主婦有正俎而無豕胥下侑也必用  
膚者明其可用豕胥而不用也亦與昨俎惟  
用羊肺之意相近用齊肺者此俎設於房中



故不因堂上之禮膚在啻羊肺上未詳

司士杜魚亦司士載尸俎五魚橫載之侑主人

皆一魚亦橫載之皆加膾祭于其上膾火吳反

注曰橫載之者異於牲膾讀如殼哱之哱刻

魚時割其腹以為大鬻可用祭也

繼公謂二司士舉魚鼎者也橫載之亦縮俎

其於載者則為橫此益送魚肉之俎載時皆

橫執之與羞之之時異於斯見之矣凡經言

載俎之例惟云橫載者據俎而言也加以之

字者據載者而言也此三羞滷魚亦皆迭用

南俎杜亦當作匕

右通言載俎之法

卒升

謂已升四羊俎也

賓長設羊俎于豆南賓降尸升筵自西方坐左

執爵右取韭菹揆于三豆祭于豆間尸取麴蕡

宰夫贊者取白魚以授尸尸受兼祭于豆祭長之文反

注曰賓長上賓

繼公謂賓長設俎尊尸之正俎也昨俎亦然

云賓降見尸升之節也既祭則右執爵於尸

升筵主人亦疑立于阼階東

雍人授次賓疏匕與俎受于鼎西左手執俎左

廉縮之卻右手執匕枋縮于俎上以東面受于

羊鼎之西司馬在羊鼎之東二手執挑匕枋以



挹澹注于疏匕若是者三

挑湯堯反鄭音  
挹一入反

注曰挑謂之軟讀如或春或抔之抔此二匕者皆有淺升狀如飯搯挑長枋可以抒物於器中者注猶寫也今文挑作挑

繼公謂疏匕與俎在羊俎西之北者也匕澹尊於肉澹故用上俎羞之陳俎時俎西縮疏匕縮俎西枋而此左手執左廉卻右手執匕枋以受澹是身當俎下端也然則凡縮執俎者皆當其下端矣左手執俎左廉乃縮之是授受時皆橫執俎也縮執俎以受于鼎西者惟此與豕匕澹耳二手執挑匕枋敬其事不游手也挹澹且若是則匕牲體者可知

尸與左執爵右取肺坐祭之祭酒與左執爵

注曰肺羊祭肺

繼公謂言與左執爵明其右執爵以與也下文皆然

次賓縮執匕俎以升若是以授尸尸卻手受匕枋坐祭齊之興覆手以授賓賓亦覆手以受縮匕于俎上以降

若是者謂執匕俎之儀無變也卻手受匕枋則匕內鄉而便於用覆手以授賓明其變於有事之時次賓亦覆手以受統於尊者也縮俎則不復執之而二手執俎矣祭澹如祭酒然亦注於地他時澹不祭此祭者重其在俎



也。涪與肉涪相將之物，故以此先肉涪而進之。

尸席末坐，啐酒興坐奠爵，拜告旨執爵以興，主人北面于東楹東荅拜。

拜告旨不降筵，以有後事也。云主人北面于東楹東，明其復位下放此。

司馬羞羊肉涪，縮執俎。尸坐奠爵興取肺，坐絕祭，齊之興反加于俎。司馬縮奠俎于羊涪，俎南乃載于羊俎，卒載俎縮執俎以降。

縮執俎者，既載則錯而改執之也。載時橫執之，尸奠爵亦于左，宜辟羞俎者，後涪字衍。司馬北面縮奠俎，既則西面于俎東載之。

尸坐執爵以興，次賓羞羊燔，縮執俎，縮一燔于俎上，鹽在右，尸左執爵受燔，揆于鹽坐，振祭齊之興加于羊俎，賓縮執俎以降。室中之事無燔俎，故此與亞獻皆用之，受燔取于俎也。

尸降筵，北面于西楹西坐，卒爵執爵以興，坐奠爵拜執爵以興，主人北面于東楹東荅拜，主人受爵，尸升筵立于筵末。

右主人獻尸禮卒。

主人酌獻，侑侑西楹西北面拜受爵，主人在其右北面荅拜。

獻侑亦於席前西南面也，侑既拜則進受之。



以復位主人既拜則立于西階東及侑降筵北面則復就其右

主婦薦韭菹醢坐奠于筵前醢在南方婦贊者執二籩醴蕢以授主婦主婦不興受之奠醴于醢南蕢在醴東主婦入于房

醢在南方是豆北上也豆北上者以席南上也生人席豆相變之法於斯見之矣下云侑升筵降筵自北方是席南上也主婦薦豆而贊者即贊籩者兩豆兩籩同時設故不必親取籩

侑升筵自北方司馬橫執羊俎以升設于豆東凡正俎皆橫執此乃明言之者以司馬進之嫌亦縮執也

侑坐左執爵右取菹揔于醢祭于豆間又取醴蕢同祭于豆祭興左執爵右取肺坐祭之祭酒興左執爵次賓羞羊燔如尸禮

不啐酒者凡堂上每獻啐酒之節皆當放於尸上禮尸啐酒乃啐酒此無酒則不宜啐酒以異其節侑無羊匕酒者以無肉酒故也

侑降筵自北方北面于西楹西坐卒爵執爵以興坐奠爵拜主人荅拜

注曰荅拜拜於侑之右

右主人獻侑

尸受侑爵降洗侑降立于西階西東面主人降



自阼階辭洗尸坐奠爵于篚與對

尸適洗南北面主人阼階東南面辭洗尸對主人復阼階東西面

卒洗主人外尸外自西階主人拜洗尸北面于西楹西坐奠爵答拜降盥主人降尸辭主人對卒盥主人外尸外坐取爵酌

主人亦揖乃外與前後之儀同不言者可知也侑不升辟酢禮也與尸同外則嫌若同酢王人然

司宮設席于東序西面主人東楹東北面拜受爵尸西楹西北面答拜

事至乃設席略倣室中致爵之節亦所以尊尸侑也既設席尸乃於席前東南面酢主人主人拜受爵復位

主婦薦韭菹醢坐奠于筵前菹在北方婦贊者執二邊禮蕢主婦不興受設饗于菹西北蕢在饗西主人升筵自北方主婦入于房

注曰設籩于菹西北亦辟劍

繼公謂主人之席亦南上而菹在北方豆席相變之法愈可見矣升筵之節侑速於尸主人速於侑皆所以示其異

長賓設羊俎于豆西主人坐左執爵祭豆籩如侑之祭與左執爵右取肺坐祭之祭酒與次賓羞匕酒如尸禮席未坐啐酒執爵以興司馬羞



羊肉湑縮執俎主人坐奠爵于左興受肺坐絕祭齊之興反加于湑俎司馬縮奠湑俎于羊俎西乃載之卒載縮執虛俎以降

祭酒興亦左執爵乃受匕湑奠爵于左辟肉湑俎也受肺亦取於俎言受者執俎以進亦授也故取之云受言虛俎者見其盡載於羊俎而無所釋也此經言羞湑俎一節其文有加尸者所以足其義非異也

主人坐取爵以興次賓羞燔主人受如尸禮燔不言羊可知也

主人降筵自北方北面于阼階上坐卒爵執爵以興坐奠爵拜執爵以興尸西楹西荅拜主人坐奠爵于東序南侑升尸侑皆北面于西楹西主人北面于東楹東再拜崇酒尸侑皆荅再拜主人及尸侑皆升就筵

此尸酢主人主人拜崇酒而侑亦荅拜者緣主人意亦欲并謝已也云主人及尸侑先後之辭也後文放此升就二字宜衍其一

右尸酢主人

司宮取爵于篚以授婦贊者于房東以授主婦注曰房東房戶外之東

繼公謂以授主婦婦贊者以授主婦于房中也上篇亞獻畢主婦以爵入于房今司官乃取爵于下篚以授者其有司徹之後此爵又



反於下篚與

主婦洗于房中出實爵尊南西面拜獻尸口拜于筵上受

注曰尊南西面拜由便也

繼公謂尸拜于筵上受以其殺於主人且因室中之禮也後三獻放此

主婦西面于主人之席北拜送爵入于房取一羊鉶坐奠于韭菹西主婦贊者執豕鉶以從主婦不興受設于羊鉶之西興入于房取糗與服脩執以出坐設之糗在蕢西脩在白西興立于主人席北西面

主人席北此時主婦堂上之正位也飲酒而有鉶尸尊亦盛之設二邊而主婦親取之以其與鉶異類不可相因也糗與脩雜用饋食之邊也去棗用脩以示其變糗脩北上明不與初儀序下儀類此

尸坐左執爵祭于豆祭

於此乃云尸坐是受爵時立也祭糗脩之祭當如下文作取蓋字誤也

以羊鉶之柶扱羊鉶遂以扱豕鉶祭于豆祭祭酒

祭鉶乃祭酒者是禮初獻祭酒之節居其祭之四三獻居其祭之二故於此特居其祭之三以序之且示禮殺有漸也



次賓羞豕匕涪如羊匕涪之禮

如者如其左手執俎左廉以下之儀其異者  
次賓自縮執匕俎以受雍人不復授之也羞  
豕匕涪亦用羊匕涪之俎其匕則殊乃臯之  
覆于羊俎西之南俎之上者也將羞此涪則  
以羊匕與之易處焉既則各反之

尸坐啐酒左執爵嘗上劔執爵以興坐奠爵拜  
主婦荅拜執爵以興

此嘗劔拜也不言旨異於主人也特牲饋食  
禮曰尸祭劔嘗之告旨主人拜尸荅拜

司士羞豕胥尸坐奠爵興受如羊肉涪之禮坐  
取爵興

奠爵亦於左

次賓羞豕燔尸左執爵受燔如羊燔之禮坐卒  
爵拜主婦荅拜受爵

受爵亦於其席也下文放此

右主婦獻尸

酌獻侑侑拜受爵主婦主人之北西面荅拜  
亦拜于筵上受蓋不敢異於尸不言者可知  
也此亦席北

主婦羞糗脩坐奠糗于饗南脩在蕢南侑坐左  
執爵取糗脩兼祭于豆祭

無劔亦殺也不祭酒者上禮尸祭劔乃祭酒  
此無劔則不祭酒其義與上不啐酒同



司士縮執豕膏以升侑興取肺坐祭之司士縮  
奠豕膏于羊俎之東載于羊俎卒乃縮執俎以  
降侑興

取肺亦右取之肺謂切肺豕膏無涪者初獻  
無羊涪故此雖有豕膏亦不用涪也

次賓羞豕燔侑受如尸禮坐卒爵拜主婦荅拜  
受爵

如尸禮亦如受羊燔之禮也

右主婦獻侑

酌以致于主人主人筵上拜受爵主婦北面于  
阼階上荅拜

筵上受因尸禮也北面荅拜放室中之儀也

與主人行禮故亦得獨拜於阼階上

主婦設二劔與糗脩如尸禮主人其祭糗脩祭  
劔祭酒受豕匕涪卒酒皆如尸禮嘗劔不拜

有劔者阼俎如尸故劔亦因之設二劔羊在

菹北豕在羊北設糗脩糗在醴北脩在蕢北

此啐酒為將嘗劔也嘗劔不拜劔已物也言

此以別於尸禮

其受豕膏受豕燔亦如尸禮坐卒爵拜主婦北  
面荅拜受爵

右主婦致爵于主人

尸降筵受主婦爵以降

主婦受爵尸即降筵主婦以尸將受已爵也



其西面于主人之北以待之與

主人降侑降主婦入于房

侑主人降從尸也主婦入于房尸降爲己宜辟之也凡婦人於丈夫之爲己而降洗者例無徒降之禮蓋於此篇及士昏禮見之矣

主人立于洗東北西面侑東面于西階西南設洗當東榮而主人降位在阼階東直東序則宜西於洗北又上文侑降立于西階西此亦從降也而主人云洗東北侑云西階西南未詳疑文有誤衍也

尸易爵于篚盥洗爵

易爵酢主婦因室中之禮也

主人揖尸侑

亦異揖之於此乃并揖侑者以殯者尸酢主人之時侑不升故也必揖之使升者尸酢之意已見於前今無嫌也

主人升尸升自西階侑從主人北面立于東楹

東侑西楹西北面立

以尸方行禮宜俟之

尸酌主婦出于房西面拜受爵尸北面于侑東答拜主婦入于房

西面亦於主人席北蓋尸亦就此位而酢之司宮設席于房中南面主婦南面立于席西既受爵乃設席降於主人也席南面變於不



賓尸之禮也立于席西者亦西為下未設豆而立席西亦異於上

婦贊者薦韭菹醢坐奠于筵前菹在西方婦人贊者執饗蕢以授婦贊者婦贊者不興受設饗于俎西蕢在饗南

注曰婦人贊者宗婦之少者

主婦升筵司馬設羊俎于豆南主婦坐左執爵右取菹揆于醢祭于豆間又取饗蕢兼祭于豆祭主婦奠爵興取肺坐絕祭齊之興加于俎坐挽手祭酒啐酒

注曰挽手者于悅悅佩巾內則曰婦人亦左佩紛悅

繼公謂凡祭離肺者必挽手經不盡見之也次賓羞羊燔主婦興受燔如主人之禮主婦執爵以出于房西面于主人席北立卒爵執爵拜尸西楹西北面荅拜主婦入立于房尸主人及侑皆就筵

出房卒爵宜成禮於所酢者之前也立卒爵婦人常禮也立卒爵而拜既惟人君及主婦耳其異者奠爵與執爵也燕禮曰公立卒爵坐奠爵拜云立于房見其不就席

右尸酢主婦

上賓洗爵以升酌獻尸尸拜受爵賓西楹西北面拜送爵尸奠爵于薦左賓降



注曰上賓賓長也或謂之長賓奠爵爵止也  
繼公謂拜受爵亦於筵上也尸於三獻而奠  
爵亦欲助祭者皆受獻也薦左醢東也不奠  
於右爲妨往來及行禮也

右上賓獻尸爵止

主人降洗解尸侑降主人奠爵于筐辭尸對卒  
洗揖尸升侑不升

侑不升者酬禮不及已升嫌也

主人實觶酬尸東楹東北面坐奠爵拜尸西楹  
西北面荅拜坐祭遂飲卒爵拜尸荅拜降洗尸  
降辭主人奠爵于筐對卒洗主人升尸升主人  
實觶尸拜受爵主人反位荅拜尸北面坐奠爵  
于薦左尸侑主人皆升筵

卒洗亦揖乃升主人實觶亦北面於尸之席  
前尸階上拜乃進受之而反位主人既荅拜  
尸乃進北面奠爵薦左其昌本之東與酬而  
授觶者大夫之禮異於士也主人於尸爵止  
之後即舉觶以酬尸者宜終尸禮乃可以獻  
助祭者也侑升堂之節其在尸奠爵之時乎

右主人酬尸尸奠酬

乃羞宰夫羞房中之羞于尸侑主人主婦皆右  
之司士羞庶羞于尸侑主人主婦皆左之

注曰房中之羞其籩則糗餌粉飧其豆則醢

食糝食



繼公謂房中之羞饌于房者也言房中以別於庶羞明庶羞不自房來也饋食之禮庶羞亦設于薦豆之左則庶羞在左乃其常處庶羞左則內羞右亦宜矣庶羞之物恐亦不過裁醢而已按注以羞遵羞豆之實爲此房中之羞亦恐或然但未必其俱用之也

右羞于尸侑主人主婦

主人降南面拜衆賓于門東三拜衆賓門東北面皆答壹拜

注曰拜于門東明少南就之也

繼公謂助祭之賓主黨也故主人降拜之而尸侑不從與鄉飲鄉射之禮異也未獻之前衆賓位在門東亦大夫之禮異於士者主人三拜旅衆賓衆賓答一拜大夫士之禮同主人洗爵長賓辭主人奠爵于篚與對卒洗升酌獻賓于西階上長賓升拜受爵主人在其右北面答拜

長賓辭亦北面蓋於門東少進也主人已酌長賓乃升遠下尸也獻賓當西南面

宰夫自東房薦脯醢醢在西

醢在西者爲降設於其位則脯當在南也賓位於庭北上而脯醢南上亦席豆相變之意也由是言之則他禮之類此者皆可得而推矣



司士設俎于豆北羊胙一腸一胃一切肺一膚

注曰羊胙羊左胙薦與設俎者既則俟于西序端

繼公謂上賓一體又無脊脅遠別於堂上者也用切肺者賓俎設於堂故亦因尸禮肺繼胃言之羊肺可知

賓坐左執爵右取脯揆于醢祭之執爵興取肺坐祭之祭酒遂飲卒爵執以興坐奠爵拜執爵以興主人荅拜受爵賓坐取祭以降西面坐委于西階西南

注曰成祭於上尊賓也取祭以降反下位也

反下位而在西階西南已獻尊之祭脯肺

繼公謂賓取祭以降以己所有事者也宜親執之西階西南賓之正位也既獻乃立於此尊者之禮節文彌多以相變為貴執以興似脫一爵字

宰夫執薦以從設于祭東司士執俎以從設于薦東

此設薦于祭東則是凡祭于豆間乃當其間之前耳此獻長賓而宰夫司士薦則自此以下皆私人為之明矣宰夫司士大夫之私人也

衆賓長升拜受爵主人荅拜坐祭立飲卒爵不



拜既爵宰夫贊主人酌若是以辯辯受爵

宰夫贊酌大夫尊也贊酌者主人以虛爵授宰夫宰夫為酌之於此乃言之者見獻賓一人乃贊酌也若是以辯謂皆如衆賓長升拜受爵以下之儀言辯受爵嫌或有不與者也其薦脯醢與胥設于其位其位繼上賓而南皆東面其胥體儀也

注曰亦宰夫薦司士胥用儀者尊體盡儀度餘骨可用而用之今文儀皆作臠

繼公謂特牲饋食禮曰衆賓升拜受爵坐祭立飲薦俎設于其位辯此下經言兄弟之儀云升受爵其薦胥設于其位然則此薦胥亦於每獻設之也體儀謂或體或儀也尊者用體折卑者但用儀且儀者其脊若脅之屬與又下云長兄弟之胥折脅一膚一則此非折而儀者惟有膚而已

右主人獻賓

乃升長賓主人酌酢于長賓西階上北面賓在左

注曰言升長賓則有贊者為之

繼公謂乃升長賓者其宗人與後長賓二字似衍蓋此乃主人自酢非酢于長賓也鄉飲酒曰主人實爵以酢于西階上此文宜類之徧獻乃酢變於士禮賓辟尸不敢親酢主人



故主人自酢以達其意

主人坐奠爵拜執爵以興賓答拜坐祭遂飲卒爵執爵以興坐奠爵拜賓答拜賓降

注曰降反位

繼公謂賓降反位則主人亦就席矣

右主人自酢

宰夫洗觶以升主人受酌降酬長賓于西階南北面賓在左主人坐奠爵拜賓答拜坐祭遂飲卒爵拜賓答拜

注曰宰夫授主人觶則受其虛爵奠于篚

繼公謂宰夫授觶于上便其酌也此亦異於士

主人洗賓辭主人坐奠爵于篚對卒洗升酌降復位賓拜受爵主人拜送爵賓西面坐奠爵于薦左

位西階南之位也以特牲禮例之此時當西面乃云復位未詳主人拜亦北面也賓西面奠爵于薦左由便說見特牲禮薦左薦北

右主人酬賓

主人洗升酌獻兄弟于阼階上兄弟之長升拜受爵主人在其右答拜坐祭立飲不拜既爵皆若是以辯辯受爵

獻兄弟不殊其長與衆賓同亦大夫禮異也不言宰夫贊主人酌略其文耳兄弟卑於衆



賓主人於其次者不親酌可知下獻內賓放此此獻亦西南面

其位在洗東西面北上升受爵其薦胥設于其位

又著兄弟長以下獻之位及其設薦胥之節也至此乃言其位者因文而見之也升受爵謂每人升受爵之時也於其受獻則爲之設薦胥于位明不俟其降也鄉飲酒禮衆賓每一人獻則薦諸其席是禮似之矣此不言宰夫贊酌獻衆賓不言升受爵而設薦胥其禮同故互文以相足也

其先生之胥折脅一膚一其衆儀也

注曰先生長兄弟

繼公謂胥猶俎也其折與脅若羊若豕則不可攷先生胥折其衆則儀亦以此別長幼也無離肺者因上賓俎也俎不設於堂故無切肺

右主人獻兄弟

主人洗獻內賓于房中南面拜受爵主人南面于其右荅拜坐祭立飲不拜既爵若是以辯亦有薦胥

注曰內賓姑姊妹及宗婦獻于主婦之席東南面於其右主人之位恒左人亦設薦胥於其位特牲饋食禮記曰內賓立于房中西墉



下東面南上宗婦北堂東面北上

繼公謂洗不言降是洗于房也獻之蓋東北面受送之拜皆南面猶堂上之皆北面也是或一禮與若是以辯亦謂長幼拜受以下之儀同也不言辯受爵已於衆賓兄弟見之此可知也不著其位者嫌未獻既獻之位異也

右主人獻內賓

主人降洗升獻私人于阼階上拜于下升受主人答其長拜乃降坐祭立飲不拜既爵若是以辯畢夫贊主人酌主人於其羣私人不答拜其位繼兄弟之南亦北上亦有薦胥

注曰初亦北面在衆賓之後爾凡獻位定

繼公謂私人猶私臣也經記異人故其文亦異獻私人而降洗重獻禮也拜于下面降飲賤也獻亦西南面於東楹東而拜於其右私人賤故但答其長拜以殊之自獻衆賓至此其獻凡四節惟前後兩言宰夫贊主人酌所以見其間二獻之不言此者爲省文耳此言於若是以辯之後見獻私人之長即贊之也以是例之則獻內賓以上主人所親酌者惟於其長益可見矣此位亦北上者賤於兄弟故其位繼其後而不更端也特性記言衆賓及衆兄弟內賓宗婦公有司私臣其姐同然則此禮內賓以及私人其姐亦皆儀而有膚



矣大夫無獻公有司之禮豈其私臣多足以任其事不用公有司與或公有司在衆賓之中不必別見之與

右主人獻私人

尸作三獻之爵

注曰上賓所獻爵

繼公謂主人畢獻而就筵三獻於是升立于西階上尸乃舉爵也此與不賓尸之禮皆尸自作止爵不待獻者作之亦異於士

司士羞涪魚縮執俎以外尸取膾祭祭之祭酒卒爵

注曰不羞魚七涪略小味也羊有正俎羞七

涪肉涪豕無正俎魚無七涪隆汚之殺

繼公謂不言左執爵與與坐者如上禮可知司士縮奠俎于羊俎南橫載于羊俎卒乃縮執俎以降尸奠爵拜三獻北面答拜受爵

橫載者於俎爲橫與牲體同也不縮載者正俎之實已多又加以益送之俎故載魚於此不得象其在魚俎也尸既卒爵乃執虛爵以待執俎者降而後奠爵拜行禮之序於此可見

右尸作止爵

酌獻侑侑拜受三獻北面答拜司馬羞涪魚一如尸禮卒爵拜三獻答拜受爵



司馬當作司士字之誤也上下皆司士為之  
此不宜使司馬且司馬惟主羊俎耳蓋涪魚  
非其事也卒爵與拜其節宜與尸同此略言  
之耳下文主人亦然

酌致主人主人拜受爵三獻東楹東北面答拜  
司士羞一涪魚如尸禮卒爵拜三獻答拜受爵  
致下蓋脫于字也賓拜東楹東者以與主人  
為禮則不敢獨拜西階上辟尸也此與侑如  
尸禮皆兼祭酒而言不致爵于主婦變於不  
賓尸之禮

右上賓獻侑致于主人

尸降筵受三獻爵酌以酢之

注曰既致于主人尸乃酢之遂賓意

繼公謂賓尸則尸與侑主人為序故俟其畢  
獻乃酢之酢而不洗亦因室中之禮也賓尸  
而不因室中之禮者惟主人耳

三獻西楹西北面拜受爵尸在其右以授之尸  
升筵南面答拜坐祭遂飲卒爵拜尸答拜執爵  
以降實于篚

尸在其右並授也並授而不同面拜遠辟主  
人獻賓之禮也云執爵以降則是既卒爵亦  
奠之而拜矣

右尸酢上賓

二人洗解升實爵西楹西北面東上坐奠爵拜



執爵以興尸侑荅拜坐祭遂飲卒爵執爵以興坐奠爵拜尸侑荅拜皆降

二人舉觶為旅酬始也中言曰旅酬下為上所以遠賤也其是之謂與

洗升酌反位尸侑皆拜受爵舉觶者皆拜送侑奠觶于右

反位于西楹西俟拜也受爵亦於其席拜送亦於其位舉觶者不奠觶于席前不變於主人之儀也侑奠觶不言坐文省也于右亦由便耳右糗南

右二人舉觶于尸侑

尸遂執觶以興北面于阼階上酬主人主人在右

言遂執觶以興是鄰者亦執觶以坐而俟也尸雖不奠觶猶坐以其當然也

坐奠爵拜主人荅拜不祭立飲卒爵不拜既爵酌就于阼階上酬主人

亦執觶興主人乃荅拜也此酬主人謂東面授之如特牲賓兄弟旅酬之儀

主人拜受爵尸拜送尸就筵主人以酬侑于西楹西侑在左坐奠爵拜執爵興侑荅拜不祭立飲卒爵不拜既爵酌復位侑拜受主人拜送主人復筵

復位而西面授之下放此



乃升長賓侑酬之如主人之禮

注曰遂旅也

至于衆賓遂及兄弟亦如之皆飲于上

注曰上西階上

遂及私人拜受者升受下飲

私人拜而升受兄弟之爵俟兄弟荅拜乃下也下飲謂就其位而飲之以酬其次者也惟云拜受云下飲是兄弟及私人飲時皆不拜矣兄弟飲不拜者以所酬者在下難爲禮也私人飲不拜者因酬己者之儀且賤者禮簡也

卒爵升酌以之其位相酬辯

注曰其位兄弟南位亦拜受拜送升酌由西階

繼公謂以之其位飲所酬者也亦於此相酬則私人之長其下飲之時亦在此明矣  
卒飲者實爵于篚

注曰末受酬者雖無所旅猶飲

右旅酬

乃羞庶羞于賓兄弟內賓及私人

無房中之羞別於主婦以上也此節亦當祭薦胥文不具耳此羞同時羞則兄弟酌以相酬之時房中亦旅

右羞于堂下及房中



兄弟之後生者舉觶于其長

注曰後生年少也

洗升酌降北面立于阼階南長在左坐奠爵拜執爵以興長答拜

此後生者舉觶與主人酬賓之儀略同似有為主人酬長兄弟之意故位如主人而長在左

坐祭遂飲卒爵執爵以興坐奠爵拜執爵以興長答拜

長既拜則復于東面位也

洗升酌降長拜受于其位舉爵者東面答拜爵止

此拜受于其位者別於主人之親酬是亦變於士也酬而受爵因賓禮也東面答拜宜鄉之爵止奠之於薦左也以其未即舉故言止亦省文

右兄弟之後生者舉觶于其長

賓長獻于尸如初無涪爵不止

注曰如初如其獻侑酌致于主人受尸酢也無涪爵不止別不如初者

繼公謂賓長象賓長即次賓也但言賓長者亦獻于尸不嫌與三獻者同也此獻當用觚不言者文省耳特牲饋食禮長兄弟於三獻之後洗觚為加爵此節與之同器亦宜同也



上篇實觚于筐其為此用與不使兄弟不稱加爵大夫禮異也渚謂渚魚

右次賓獻致如初

賓一人舉爵于尸如初亦遂之于下

注曰遂之于下者遂及賓兄弟下至于私人繼公謂賓一人次賓之次者也舉爵即舉觶也如初如二人舉觶于尸侑之儀其異者不及侑耳亦上文尸酬主人以下之禮

右賓一人舉觶于尸遂旅酬

賓及兄弟交錯其酬皆遂及私人爵無等

言皆遂及私人則是賓及兄弟之奠爵先後迭舉而不並行也其禮則賓長取觶酬兄弟長交錯以辯不拜私人之卒飲者洗酌反之長兄弟乃取觶酬賓長亦交錯以辯卒飲者亦洗酌反之賓與兄弟又皆迭舉如初禮爵行無數至醉而止賓尸至於飲酒而堂上不行無筭爵者此雖變於祭禮然尸猶有餘尊不宜無所別異無筭爵之儀太簡不崇敬

右堂下相酬爵無筭

尸出侑從主人送于廟門之外拜尸不顧

送尸于廟門外以其賓之也此云不顧見士於大夫之禮也

拜侑與長賓亦如之衆賓從



從從長賓也

司士歸尸侑之俎

尸侑尊司士徹俎而歸之賓長而下則自徹而授其人以歸

主人退

注曰反於寢也

有司徹

徹徹阼俎與堂上下之薦羞之屬也婦人不徹則其所徹者不以入于房與

右尸出禮畢

若不賓尸

此下之禮視賓尸者為少質則是制禮之序此先彼後如冠禮之醴與醢者然也而上下篇以賓尸者為主至是乃更端言不賓尸者焉周禮尚文抑又可見是雖與冠禮言醴醢之序者不同意則相類也然既有新儀又存舊禮使夫人自擇而行之是又聖人至公無我之心固不專主於所尚而已

則祝侑亦如之

注曰謂尸七飯時

尸食

注曰八飯

乃盛俎臠臂肫脰脊橫脊短脅代脅皆牢盛音成下同注曰盛者盛於所俎也



繼公謂先正體而後脊脅亦以尊卑也前體先臠後臂者肩未舉若自下而上然此所取者三體四骨與所舉正脊幹骼則羊豕各四體六骨矣肩既舉而俎但有六骨以爲所釋者也

魚七

注曰盛半也魚十有五而俎其一已舉

繼公謂魚盛七并前所舉者一僅八而已牢之骨體已多此可以略特牲少故魚盛十有二

腊辯無髀

注曰亦盛半也言無髀者云一純而俎嫌有之

繼公謂前升腊於鼎俎時不云髀不升故此明之腊用一純故得取其半云辯者明右體及其脅與脊皆盛也腸胃膚不盛者以其於骨體爲賤既取骨體則賤者略之可也

卒盛乃舉牢肩尸受振祭瘠之佐食受加于所先盛衆骨體乃舉肩變於士禮亦爲舉肩之後又實他俎不宜與所俎之事並行也佐食取一俎于堂下以入奠于羊俎東

羊當作魚字之誤也

乃撫于魚腊俎俎釋三个其餘皆取之實于一俎以出碑反之



撫猶取也其餘謂三個之外者也魚撫四個  
腊撫八個其所釋者腊則短脅正脅代脅各  
一骨魚三個而已魚腊俎釋三個而牢俎六  
個者所俎於三脊三脅惟當各取一骨而已  
故牢俎之所釋不容不有六骨

祝主人之魚腊取于是

注曰祝主人主婦俎之魚腊取於此者三者  
各取一魚其腊主人臂主婦臠不言主婦未  
聞

繼公謂此亦大夫之禮異者也取于是者主  
人主婦之魚腊及祝之魚也祝俎之腊用髀  
儻與不儻同耳

尸不飯告飽主人拜侑不言尸又三飯飯並符

惟云主人拜侑省文

佐食受牢舉如儻

注曰舉肺脊

繼公謂此儻者賓之之謂蓋指賓尸之禮也  
惟言賓則意有所不備故以儻言之經先見  
儻禮已有成文故此以如蒙之省文耳不言  
如初者見是禮元不在儻禮後也

右不賓尸尸食之禮

主人洗酌醕尸賓羞肝皆如儻禮卒爵主人拜  
祝受尸爵尸荅拜

自卒爵以下不蒙如儻禮者欲與後禮相屬



也凡與儗禮同而重見之者其意皆然

右主人酌尸

祝酌授尸尸以酌主人亦如儗

此與上文所謂儗者皆前篇室中之事初非儗禮乃以儗旗文者以其已入儗之節內故爾下文放此

其揆祭其嘏亦如儗

揆亦當作授揆去授字又差近也

右尸酢主人

其獻祝與二佐食其位其薦胥皆如儗

祝之薦胥如儗則牢與腊皆髀明矣祝於儗亦有肝從不言者與佐食連文故略之耳惟言位與薦胥不及其儀者可知也下文類此者皆然

右主人獻祝及佐食

主婦其洗獻于尸亦如儗

此如儗謂拜送爵以上之禮

主婦反取籩于房中執棗糗坐設之棗在稷南糗在棗南婦贊者執栗脯主婦不興受設之栗在糗東脯在棗東主婦與反位

注曰反位反主人之比拜送爵位

繼公謂籩位自左而右績之變於敦位也此饋食之禮則四籩者其饋食之籩與周官籩人職饋食之籩五有棗栗而糗脯蓋棗下脫



糗栗下脫脯也天子諸侯饋食之邊亦入堂  
與其豆數同此從獻之禮儻則闕之者詳於  
堂上故略於室中隆殺之宜也

尸在執爵取棗糗祝取栗脯以授尸尸兼祭于  
豆祭酒啐酒次賓羞牢燔用俎鹽在右尸兼  
取燔煗于鹽振祭齊之祝受加于所

注曰自主婦反取籩至此異于儻  
卒爵主婦拜祝受尸爵尸答拜于儻

右主婦獻尸

祝易爵洗酌授尸尸以醋主婦主婦主人之北  
拜受爵尸答拜主婦反位又拜上佐食綏祭如  
儻卒爵拜尸答拜

此夾爵拜內子正禮也儻則略之綏亦當作  
授

右尸酢主婦

主婦獻祝其酌如儻拜坐受爵主婦主人之北  
答拜

如儻其酌以前之禮

宰夫薦棗糗坐設棗于菹西糗在棗南祝左執  
爵取棗糗祭于豆祭酒啐酒次賓羞燔如尸  
禮

注曰自宰夫薦至此亦異于儻

繼公謂內子不薦而使官為之者遠下尸亦  
大夫禮異也士禮主婦薦豆籩於祝



卒爵主婦受爵酌獻二佐食亦如饋主婦受爵以入于房

祝卒爵而主婦受是亦不拜既如饋也此以上如饋者皆在前篇

右主婦獻祝及佐食

賓長洗爵獻于尸尸拜受賓尸西北面答拜爵止

此三獻爵止之義與特牲饋食禮同受爵而即止亦大夫禮異也

右賓長獻尸爵止

主婦洗于房中酌致于主人主人拜受主婦尸西北面拜送爵司宮設席

設席亦於主人立處之南也

主婦薦韭菹醢坐設于席前菹在北方婦贊者執棗糗以從主婦不與受設棗于菹北糗在棗

西佐食設俎臂脊脅肺皆羊膚三魚一腊膚臂左臂也腊臂亦如之肺離肺也脊脅各一

骨脊脅之數皆少者以俎實多故爾亦遠下尸也魚一亦橫之與牲腊異既設俎主人乃

升筵坐與主婦升筵之節同

主人左執爵右取菹揆于醢祭于豆間遂祭籩奠爵與取牢肺坐絕祭齊之與加于俎坐撝手祭酒執爵以興坐卒爵拜

此籩祭不贊且無從與士禮異者其辟尊者



之禮與此牢肺則絕祭噉之者各一也亦卒爵于席者室中之禮已在席則宜卒爵于席不必於拜受之處成禮也

主婦荅拜受爵酌以醋戶內北面拜主人荅拜卒爵拜主人荅拜主婦以爵入于房

李寶之曰主人不致爵于主婦異於士

繼公謂主婦亦坐祭立飲而卒爵此文略也

右主婦致爵于主人

尸作止爵

注曰自爵止至此亦異於儻

祭酒卒爵賓拜祝受爵尸荅拜

尸歸受爵而即止故於是祭之於三獻而無

從與士禮異者其亦辟尊者之禮與

祝酌授尸賓拜受爵尸拜送坐祭遂飲卒爵拜

尸荅拜

此賓受酢不夾爵拜而卒爵之儀又略以其間有爵止之事既變於上故此儀亦不得同於主人是與儻少異者也

右尸作止爵酢賓

獻祝及二佐食

賓獻祝亦北面拜獻佐食亦西面拜與上篇此節獻祝不卒爵又不言獻佐食之禮此經文略也其或以主婦獻禮通之與特牲禮曰獻祝及佐食皆如初



右賓長獻祝佐食

洗致爵于主人主人席上拜受爵賓北面答拜  
坐祭遂飲卒爵拜賓答拜受爵

主人雖拜于席亦立受爵與祝異

酌致爵于主婦主婦北堂司宮設席東面  
注曰賓致爵于主婦異於儼北堂謂立于北  
堂即所設席之北也特牲記曰宗婦北堂東  
面北上主婦之席北堂東面則在宗婦之北  
也亦異於儼此設席亦北上也賓尸之禮席  
主婦于房中南面主婦立于席西是東上而  
上左也此禮設席雖變而東面亦宜上左也  
上左則北上也

主婦席北東面拜受爵賓西面答拜

席北上主婦乃拜于席北者以其先立於此  
故由便也不拜于席南者其以切近於宗婦  
長之位故與

婦贊者薦韭菹醯醢在南方

以篇首設豆之例言之菹在南方則席北上  
明矣

婦人贊者執棗糗授婦贊者婦贊者不與受設  
棗于菹南糗在棗東佐食設俎于豆東羊臠豕  
折羊脊脅祭肺一膚一魚一腊臠

豕折不言其所用之體未詳此肺臠羊肺也  
曰祭者誤衍爾豕折而腊臠者腊與牲並用



則宜放其尊者

主婦升筵坐左執爵右取菹揆于醢祭之祭邊  
奠爵興取肺坐絕祭齊之興加于俎坐扱手祭  
酒執爵興筵北東面立卒爵拜賓荅拜賓受爵  
易爵于篚洗酌酌于主人戶西北面拜主人荅  
拜卒爵拜主人荅拜賓以爵降奠于篚

易爵于篚亦下篚也自及佐食至此亦儻之  
所殺者其義與上同自是而後以至于末獻  
室中之事無復如儻者以內外之禮異故耳

右賓長致于主人主婦

乃羞宰夫羞房中之羞司士羞庶羞于尸祝主  
人主婦內羞在右庶羞在左

注曰不賓尸則祝猶侑耳

右羞于尸祝主人主婦

主人降拜衆賓洗獻衆賓其薦胥其位其酬酌  
皆如儻禮主人洗獻兄弟與內賓與私人皆如  
儻禮其位其薦胥皆如儻禮

注曰此與儻同者在此篇

繼公謂此禮長賓之俎其異於儻者無切肺  
耳

右主人獻賓以至于私人

卒乃羞于賓兄弟內賓及私人辯

卒謂皆獻畢也獻畢即羞之亦其節之異於  
儻者羞者羞庶羞



右羞于堂下及房中

賓長獻于尸尸醕獻祝致醕賓以爵降實于篚  
注曰致謂致爵于主人主婦

疏曰此次賓長為如爵也

繼公謂此亦洗觚以獻與特牲兄弟長加爵  
之器同經見此禮之殺於上者惟爵不止與  
不及佐食耳餘則略之以其可知故也此亦  
衆賓長也惟言賓長說見於前

右次賓獻致

賓兄弟交錯其酬無筭爵

李寶之曰此兄弟舉觶于其長亦當如賓禮  
在羞于私人之後賓長加獻之前文不具耳  
繼公謂此亦儻不儻同不言如儻未詳特牲  
禮衆賓長以觶為加爵于尸爵止堂下乃舉  
觶而旅酬既作止爵復旅酬遂行無筭爵大  
夫賓尸之禮賓一人舉觶于尸尸乃行酬徧  
及于下然後在庭者爵無筭以是二者觀之  
則庭中之行觶皆以尸用觶之時為節也此  
於衆賓長以觶加獻之後而賓兄弟乃舉觶  
以相酬而為無筭爵似非其節蓋此上之文  
不具者多矣固不止如李氏所云也

右賓兄弟相酬爵無筭

利洗爵獻于尸尸醕獻祝祝受祭酒啐酒奠之  
奠之亦北面奠于其筵前也祭事將畢其禮



漸殺衆賓長獻不及佐食故祝於此亦不終其獻以見已禮亦宜殺之意是亦異於士

右上利獻尸祝

主人出立于阼階上西面祝出立于西階上東面祝告于主人曰利成祝入主人降立于阼階東西面尸設祝前尸從遂出于廟門祝反復位于室中祝命佐食徹尸俎

祝反復位于室中主人亦入于室復位經有脫文也

佐食乃出尸俎于廟門外有司受歸之徹阼薦俎

徹阼薦俎亦佐食為之既徹阼俎則堂下俎畢出與特牲禮同也

右尸出祭禮畢

乃養如饋

注曰謂上篇自司宮設對席至上餼興出也

右養

卒養有司官徹饋饌于室中西北隅南面如饋之設右几扉用席納一尊于室中

扉扶未反

注曰官徹饋者司馬司士舉俎宰夫取敦及豆佐食不舉羊豕俎親餼尊也古文扉作蓆繼公謂南面亦大夫禮異

司宮埽祭

注曰埽豆間之祭舊說云埽之西階東



繼公按舊說謂埋祭于西階東者據聘禮埋幣之處而言也

右改設

主人出立于阼階上西面祝執其俎以出立于西階上東面司宮闔牖戶祝告利成乃執俎以出于席門外有司受歸之衆賓出主人拜送于席門外乃反

注曰拜送賓者亦拜送其長

婦人乃徹

言婦人乃爲徹事也其事在下

徹室中之饌

室中之饌即改設者也婦人徹此饌者爲其當以入于房與凡徹饌而以入于房者婦人乃得爲之不然則否室中之饋改饌而闔牖戶自闔牖戶至此須臾之頃耳然則改饌之不爲厭神益可見矣

右禮畢



正誤

以羊鉶之柶扱羊鉶遂以扱豕鉶

鄭本扱作挹繼公按上經云以挹清註曰今文挹皆作扱皆此經文也按士昏禮聘禮賓以柶祭醴二記皆云始扱一祭又公食大夫禮曰扱上鉶以柶辯擣之上鉶之間祭蓋以柶取物而祭則必扱之此亦以柶祭鉶也宜云扱與彼同不宜云挹當從今文

南面立于席西

鄭本無南面字注曰今文曰南面立於席西繼公謂宜從今文入南面字其扱祭

鄭本換作綏注曰綏古文為扱繼公謂此當云扱祭綏扱二字皆誤也但換於扱字為尤近故宜取其近者

啐酒皆如尸禮


本云拜啐酒疏曰或此經啐酒之上無拜文繼公謂啐酒之上不當有拜今從疏之所謂或本者去拜字



禮古經十七篇其十三篇之後皆有記四篇則無之四篇者士相見大射少牢上下也然以意度之此四篇者未必無一記之可言或者有之而亡逸焉爾夫記者乃後人述其所聞以足經意者也舊各置之於其本篇之後者所以尊經而不敢與之雜也漢藝文志言禮經與記各自不相合也今乃各在其本朱子作儀禮通解乃始以記文分屬於經文每條之下謂以從簡便予作集說而於此則不能從也予非求異於朱子也顧其勢有所不可耳何以言之儀禮諸篇之記有特為一條而發者如聘記去大夫來使無罪有兼為兩條而發者如聘記去大夫來使無罪亦有成也云云亦有於經意之外別見他禮者亦有兼為數條而發者如冠記云適子冠於阼射記是也射記是也亦有於經意之外別見他禮者如射記是也其但為一條而發者固可用通解之例矣非是則未見其可也何則通解之書規模大而篇數繁其記文有不可附於本篇每條之下者則或於其篇末見之否則於他篇附之故雖未必盡如其所謂以從簡便之說而其於記文亦皆包括而無所遺也然以記者之意攷之則亦不為無少異矣予之所撰者但十七篇之集說耳若亦用此法則其所遺者不既多乎故不若仍舊之為愈而不敢效朱子通解之為也魯人所







原件短缺

P48以后缺







